

## PANATA NG LINGKOD BAYAN

Ako ay isang lingkod bayan.

Pangangalagaan ko ang tiwalang

ipinagkaloob ng mamamayan.

Maglilingkod ako nang may malasakit,  
katapatan, at kahusayan na walang kinikilingan.

Magiging mabuting halimbawa ako, at  
magbibigay ng pag-asa at inspirasyon  
sa aking kapwa lingkod bayan.

Lilinangin ko ang aking sariling  
kakayahan upang sa lahat ng panahon  
ay mapaglingkuran ko nang buong  
kahusayan ang sambayanan.

Hindi ako makikibahagi sa mga  
katiwalian sa pamahalaan.

Pipigilan at isisiwalat ko ito sa  
pamamagitan ng tama at angkop na pamamaraan.

Isasabuhay ko ang isang lingkod  
bayang maka-Diyos, maka-tao,  
makakalikasan at makabansa.

Tutugon ako sa mga hamon ng  
makabagong panahon tungo sa  
adhikain ng matatag, maginhawa, at panatag na buhay.

Sa mga tungkulin at hangaring ito,  
kasihan nawa ako ng Maykapal.